



“NOR ASXAR” ARMENIKO EBΔOMADIAIO ENHMERΩTIKO ENTYPHO

LI Swarh, Թիւ 45(2311), Երկուշաբթի, 4 Դեկտեմբեր, 2017 (ΚΩΔ. 3379) 44ο Έτος, αρ.φύλλου 45(2311), Δευτέρα 4 Δεκεμβρίου, 2017



Դիւանագիտական Չախաւեր Միջադէպ Աթէնքի մէջ



Անցեալ Նոյեմբերի 12-ին Աթէնքի Intercontinental շքեղ պանդոկին մէջ տեղի ունեցաւ Ռամկավար Ազատական Կուսակցութեան հիմնադրութեան 96-րդ տարեդարձի փառաւոր նշումը պաշտօնական ներկայացուցիչներու եւ գիտակից հոծ բազմութեան մը ներկայութեամբ:

Մակայն դժբախտաբար Աթէնքի մէջ Հ.Հ. դեսպանին կողմէ կատարուած ձախաւեր մէկ միջամտութեան հետեւանքով ստեղծուած դիւանագիտական միջադէպը տարբեր մեկնաբանութիւններով լայն արձագանգ գտաւ յատկապէս Հայաստանի մամուլին մէջ: Նոյնպէս Ռ.Ա.Կ. ի գլխաւոր կառոյցներէն դուրս ինկած հարցական անցեալ ունեցող բաժանեալներու խմբակ մը, որուն զլուխէն եւ հասակէն շատ վեր է այսպիսի ազգային դիւանագիտական լուրջ հարցերու մասին կարծիք յայտնելը, իրեն յատուկ սովորական հիւանդագին եւ շփոթեցուցիչ յայտարարութիւններով կը շարունակէ պոտորել միտքերը:

Սոյն գրութեամբ կ'ուզենք անդրադառնալ այդ միջադէպին որոշ մանրամասնութիւններով, հաւաստի տեղեկութիւն տալու համար խելամիտ մեր ընթերցողներուն. այս առիթով նաեւ լուրջ պատասխանատուութեան գիտակցութեան կը հրաւիրենք տեղւոյն կարգ մը պետական, եկեղեցական եւ համայնքային պատասխանատու անձնատուութիւնները որոնք երբեմն կը փորձուին իրենց անձնական կողմնակցական տկարութիւնները դրսեւորել եւ զանոնք գերադասել իրենց պաշտօնական հանգամանքներէն վեր:

Հայաստանի դեսպանները ընդհանրապէս իրենց պատասխանատուութեան քաջ գիտակից լուրջ դիւանագետներ են, անոնցմէ ոմանք սակայն հազուադէպ պարագաներու մէջ կը գտնուին լուրջ թերացումի մէջ վնասելով Հայաստանի ինչպէս նաեւ Հայրենիք-Սփիւռք յարաբերութիւններու գերագոյն շահերուն:

Այսպիսի պարագաներուն, քննադատութիւններ զանց առնողները ուղղակի կը վնասեն հայրենիքի շահերուն:

Երեւանի մէջ Մեպտեմբեր ամսուն կայացած 6-րդ Հայաստան-Սփիւռք Համագումարի խոր տպաւորութիւնը տակաւին թարմ է ու վատ է բոլոր մասնակիցներու մտքերուն մէջ: Պատգամը՝ «Բարգաւաճ Հայաստան, Անկախ Արցախ եւ միացեալ Սփիւռք» տակաւին կ'արձագանգէ բոլորիս միտքին մէջ: Այս պարագաներուն տակ պիտի ակնկալուէր ու հայրենիքի ներկայացուցիչները իրենցմէ ակնկալուած հասուն դիւանագիտութեամբ եւ համայնքային յարաբերութիւններու նուրբ հասկացողութեամբ սատարէին միասնականութեան:

Արդարեւ, բացայայտ է որ այսպիսի հասկացողութիւն եւ համապատասխան վերաբերում ամբողջովին խորթ է Աթէնքի մօտ Հայաստանի Արտակարգ եւ Լիազօր Դեսպան, Պարոն Ֆատկ Չարձօղլեանին:

Իր հարցական վարմունքին նկատմամբ այս օրերուն մեր կատարած արտայայտութիւններուն պատճառը Ռամկավար Ազատական Կուսակցութեան հիմնադրութեան 96-րդ Տարեդարձի յիշատակումի հանդիսութիւնն

էր Աթէնքի մէջ, Կիրակի, Նոյեմբեր 12-ին: Արդարեւ օրուան պաշտօնական բանախօսներէն մին պիտի ըլլար Յունաստանի նախկին արտաքին գործերու նախարարը, այժմ ընդդիմադիր կուսակցութեան պատկանող, որ ըստ հաւաստի տեղեկութիւններու, այժմ մեծ հաւանականութիւն ունի յաջողելու եւ բանալի դիրք ունենալու Յունաստանի յառաջիկայ ընտրութիւններուն:

Աթէնքի Ռամկավար Ազատական Կուսակցութեան ղեկավարները քաջ գիտակից էին այս տիկնոջ դիրքորոշման մասին Արցախի եւ Հայաստանի նկատմամբ անցեալի ունեցած մի քանի առիթներով կատարած արտայայտութիւններուն:

Մակայն ճիշդ այդ պատճառաւ այս յուշահանդէսը իտալ առիթը պիտի ըլլար որ ստեղծուած հայանպաստ ջերմ մթնոլորտին մէջ ան արտայայտէր Հայաստանի ի նպաստ խօսքեր, եւ դիւանագիտական թանկագին յարթանակ մը պիտի ըլլար այս առիթը, որ ան փոխէր իր դիրքորոշումը հայկական հարցերու մասին: Այս է քաղաքականութեան եւ դիւանագիտութեան առանցքը: Իսկական հայ դիւանագետը պէտք էր ըմբռնէր հայաստանանպաստ այս բացառիկ պատեհութեան կարելոթիւնը եւ ընդհակառակն օգտուէր անկէ:

Երբ երեք հոգինոց Ռամկավարներու պատուիրակութիւն մը կը ներկայանայ Դեսպանատուն հրաւերներ յանձնելու Դեսպանին եւ Դեսպանատան այլ պաշտօնէաններուն, Դեսպանը նախ խստօրէն կը քննադատէ զանոնք այդ տիկնոջ հրաւերին համար: Ըստ մեզի հասած տեղեկութիւններուն, անհասկնալիօրէն, Դեսպանը վարկաբեկիչ կերպով կը յանդիմանէ այցելուները այն աստիճանի, որ զանոնք կ'որակէ որպէս Հայաստանի եւ Արցախի թշնամիները, բոլորովին դուրս ելլելով պատշաճութեան սահմաններէն ան կը հրահանգէ որ պէտք է նոյնիսկ ամբողջովին ջնջել այս յուշահանդէսը: Ռ.Ա.Կ.-ի ներկայացուցիչներուն հակադէմութիւնը կը մնայ քաղաքավար եւ շրջահայեաց: Անոնք կ'ըսեն թէ նկատի պիտի ունենան հանդիպման ընթացքին Դեսպանին կատարած քննադատութիւնները: Կարճ ժամանակ ետք, երբ կուսակցութեան 93-ամեայ նախագահը կը հեռաձայնէ Դեսպանին եւ կը յայտնէ թէ ընդառաջելով իր տեսակէտին խնդրոյ առարկայ տիկնոջ պիտի չմասնակցի յուշահանդէսին եւ թէ կը փափաքին դեսպանատուն ներկայանալ Դեսպանին համար նոր հրաւերով մը, Դեսպանը դարձեալ վանողական արտայայտութեամբ կը կրկնէ թէ Ռամկավարները Հայաստանի նկատմամբ թշնամական դիրքի վրայ կը գտնուին: Աւելին, քանի մը վայրկեան ետք, ան ավելի եւս անհաւատարի կերպով կրկին կը հեռաձայնէ կուսակցութեան Նախագահին եւ կը կրկնէ թէ ոչ միայն յուշահանդէսը պէտք է ջնջուի այլ նաեւ թէ ինք եւ Կուսակցութիւնը Հայաստանի թշնամիներ են, եւ թէ անոնք այսուհետեւ երբեք պիտի չ'արտօնուին Դեսպանատուն այցելելու եւ ոչ ալ Դեսպանը կապ պիտի պահէ իրենց հետ: Այս խօսքերուն կը հետեւի սպառնալիք մը, որ եթէ անոնք չկատարեն այն ինչ որ Դեսպանը կ'ըսէ, հարցը ավելի պիտի բարդանայ: Առաւել եւս,

Լոնտոնէն հրաւիրուած գլխաւոր բանախօսը որ Ռ.Ա.Կ. Կուսակցութեան Գերագոյն Խորհուրդին անդամ մըն է, երբ փափաքած է Դեսպանատուն այցելել Դեսպանին իր յարգանքը մատուցանելու, կտրուկ կերպով կը մերժուի եւ կ'ըսուի թէ Դեսպանը այս կուսակցութեան ոչ մէկ անդամ պիտի ընդունի:

Այս տգեղ եւ բոլորովին դատապարտելի վերաբերումին մանրամասնութիւնները կը տրուին այստեղ ի գիտութիւն Հ.Հ. Ա. Գ. Ն. եւս ինչպէս նաեւ ի գիտութիւն բոլորին, մանաւանդ անոնց որոնք կեղծ Հայաստանասիրութիւն ձեւացնելով կը ջանան արդարացնել Դեսպանին այս անընդունելի ընթացքը:

Տեղացի հայերու հետ իրենց յարաբերութիւններուն մէջ, դիւանագիտական պաշտօնէանները գիտակից են իրենց պաշտօնին նրբութիւններուն եւ փրոթոքոյններուն, որոնք բնականօրէն կը սահմանափակեն անոնց տեղական համայնքի գործերուն միջամուխ ըլլալու ամէն հնարաւորութիւն:

Ներողութիւն Պարոն Դեսպան կը յիշեցնենք ձեզ թէ ձեր լիազօրութիւնը ունի իր սահմանները որոնք պէտք է անհրաժեշտօրէն յարգուին եւ գործադրուին:

Մեր Դեսպանը տակաւին ավելի եւս սահմանը կ'անցնի երբ կը հեռաձայնէ Հայ Կաթողիկէ եւ Հայ Աւետարանական համայնքապետներուն եւ կ'առաջարկէ հեռու մնալ յուշահանդէսէն: Յաւալիօրէն, մեր Եկեղեցւոյ Առաջնորդը եւս ինչ ինչ նկատումներով մեղսակից եղած է անոր այս կացութեան մէջ: Այս վերջինը, նոյնիսկ իր Internet-ի կայքին մէջ վերջերս տեղ տուած է այս հարցին կապակցութեամբ անհիմն եւ եկեղեցւոյ համար անվայել ռճով գրուած կուսակցական յայտարարութեան:

Հայր Սուրբը պարտի նախանձախնդրութեամբ պաշտպան կանգնիլ Մայր Աթոռ Ս. Էջմիածնայ վարկին եւ գերագոյն շահերուն, փոխանակ կուսակցական հարցերու միջամուխ ըլլալու:

Վստահ ենք այս արարքը հիմնաւորուած արք մը չ'է մեր կուսակցութեան դէմ:

Աթէնքի Ռամկավար Ազատական մեր օրինաւոր շրջանակը արդէն լրջօրէն կը ծրագրէ այլ կուսակցութիւններու հետ մեր յարաբերութիւնները, որպէսզի տեղական քաղաքական հոսանքներու դիրքորոշումը հանդէպ Հայաստանին ուղղուին դէպի նպաստաւոր կեցուածքի որպէսզի այս միջադէպը որեւէ բացասական անդրադարձ չ'ունենայ անոր վրայ:

Ռ.Ա.Կ.-եան Գերագոյն Խորհուրդը հարկ եղած քայլերը առած է այս հարցը Հայաստանի վերին իշխանութիւններու ուշադրութեան բերելու:

Ինչ կը վերաբերի Կուսակցութեան 96-րդ տարեդարձի յուշահանդէսին, ան տեղի ունեցաւ ճշդուած թուականին, տպաւորիչ կերպով լեցուն սրահի մէջ, պաշտօնական ներկայացուցիչներու եւ ժողովրդական լայն հասարակութեան ներկայութեամբ:

Վերջապէս ինչ կը վերաբերի Դեսպան Չարձօղլեանի, կը յուսանք թէ ան կը կարգայ այս գրութիւնները եւ կը զգուշանայ նման գայթակղութիւնները կրկնել:

Ռամկավար Ազատական Կուսակցութեան Մակոյ Դիւան

Ողջոյնի եւ Սրտի Խօսք Թեքեան Մշակութային Միութեան Հիմնադրման 70-ամեակին Առթիւ

Զաւէն Գ. Գրիգորեան

Ողջոյն եւ բիր ողջոյն՝ Թեքեանական շունչով եւ ոգիով մկրտուած՝ հաղորդուած՝ տազնապած եւ ապրող բոլոր թեքեականներուն:

Միրելի եւ Յարգելի հանդիսականներ.

Դուք այսօր՝ Նաւասարդեան ոգիով պայծառացած եւ պերճացած՝ կը սօնախմբէք հայ մշակոյթի նուիրուած գործունէութիւններու մեծարանքի փառահեղ իրագործումները, եօթանասուն փոթորկոտ եւ դժուարին տարիներու ընթացքին, որոնք լեցուն եւ առցուն են, հոգեպարար՝ հպարտացուցիչ զգացումներով եւ գոհունակութիւններով:

Մշակոյթը գեղեցկութիւն առաքինութիւն ստեղծող՝ հալածող լոյսի աղբիւր է: 10 Մարտ 1947-ին՝ լուսաւոր մտքի տէր եւ հայ մշակոյթին ծառայելու՝ գաղափարի ուխտեալ ընկերներ, կը հիմնեն Թեքեան



Ներկայ եղող ռամկավար դեկավար ընկերներ շրջապատուած Առաջնորդ Սրբազան Հայրով եւ դէսպան Զօհրայ Մնացականեանի հետ



Ներկաներէն ոմանք բարերարներ Նազար եւ Արտեմիս Նազարեաններու հետ

արմատացած էին, իր հոգիին խորերը, եւ իրմէ որպէս մասունք յիշատակ մեզի մնացած է, «ինչ որ տուաւ ուրիշին»:

Հայկազեան մեծաւարձ լեզուն իր լեզուին վրայ թոյլ տաւ իր հայրենասիրական եւ մարդասիրական քերթողութեամբ: Բանաստեղծութեան իշխանը՝ իր քերթողութեամբ հայու հոգիներու աղջամուղջը՝ ոգեւորութեամբ իմաստութեամբ իմացականութեամբ եւ գեղեցիկ զգացումներով լուսաւորեց: Ան օրէ օր իր գրիչին հետ բարձրացաւ իր հետ բարձրացնելով հայու հոգին բիրտեղացած վեհագոյն մարդկային եւ մարդասիրական խորհուրդով:

Ով մեծահոգի հայրենասէր՝ մշակութասէր եւ դպրոցասէր ներկաներ, դուք որ Թեքեան մշակութային կառոյցները, հրաշագործ մշակոյթի եւ բարեաց աղբիւրներու վերածեցիք՝ ձեր ներկայութեամբ, ձեր տարիներու շարունակական մասնակցութեամբ միութեան բոլոր ձեռնարկներուն եւ հանգանակութիւններով, դառնալով յոյս՝ հրճուանք եւ հոգեկան գուարճութիւն ներշնչող սրբազան հաւաքական առաքելութիւն մը, գոր կը շարունակէք կատարել ձեր խորապէս գնահատելի անձնական գոհողութիւններով, եւ այս բոլորը, ձեր ազգային անխախտելի գիտակցութեամբ:

Ձեր ամէն մէկ մասնակցութիւնը Միութեան գործունէութիւններուն եւ կամ նուիրատուութիւններուն, դուք նուիրումի հոգեւոր ուխտադրութեան մոմեր են որ կը վառէք, եւ իրենց ճառագայթումներով կը սփռուի բարիք գործելու սրբազան խորհուրդը, եւ անոր հետ դիմացինին հոգիին մէջ կը ստեղծէ, ապահովութեան ապաւինութեան՝ հրճուանքի եւ անհուն գոհունակութեան զգացումներու ջերմութիւնը, որ կը տազնապեցնէ՝ կամօք եւ կը մխիթարէ դիմացինին հոգին եւ մանաւանդ իրեն կը զգացնէ, որ հեռաւոր աստղերու տակ՝ գոյութիւն ունին՝ ազնուասիրտ հայու հոգիներ, որոնք մասնակից եւ հաղորդակից կը դառնան՝ իրենց հոգերուն եւ ցաւերուն իրենց կեանքի այս դժուարին օրերուն մէջ:

Յարգելի եւ սիրելի հանդիսականներ՝

Ձեր բոլորին ամենայն սրտով եւ յարգանքով, Ձեզի կը մաղթենք առողջութիւն անձնական գործոց յաջողութիւն եւ արեւշատ երկար տարիներ ուրախութեամբ:

Աթենք

Թողարկում՝ «Մեծ Բառարան Օսմաներէնէ Հայերէն»

Nayiri.com առցանց բառարանը, կը տեղեկացնէ, որ թողարկած է կայքին 105-րդ բառարանը՝ Պետրոս Զեքի Կարապետեանի «Մեծ Բառարան Օսմաներէնէ Հայերէն», որ լոյս տեսած է Պոլիս, 1912-ին: Բառարանը գանազան ոլորտներու մէջ կրնայ օգտակար ըլլալ.

(Ս)հայերէնի մէջ թրքերէնէ, պարսկերէնէ եւ արաբերէնէ փոխառեալ բառերու ստուգաբանութեան համար,

(Բ) հայոց ազգանուններու ստուգաբանութեան համար,

(Գ) Հայոց Տեղասպանութիւնը եւ օսմանեան շրջանը հետազոտողներու համար, եւ

(Դ) որպէս պարսկերէնէ հայերէն եւ արաբերէնէ հայերէն բառարան(օսմաներէնը ունեցած է մեծ թիւով պարսկերէն եւ արաբերէն բառեր)

Բառարանին պատկերահանուած տարբերակը որոնելի է գլխաբառերով եւ հասանելի է հետեւեալ հասցէով՝ <http://www.nayiri.com/imagedDictionaryBrowser.jsp?dictionaryId=115>

Կայքը շնորհակալութիւն կը յայտնէ «Համազգային Հայ Կրթական եւ Մշակութային Միութեան» այս բառարանի առցանց տարբերակը հովանաւորելու համար:

Մշակութային Միութիւնը, որ պիտի դառնար՝ Ռամկավար Ազատական Կուսակցութեան Մշակոյթի դարբնոցը, որովհետեւ այդ գաղափարի ընկերները, խորապէս կը գիտակցէին որ, մշակոյթը հիմնական կարեւոր կերտիչ ազդակ մըն է. Հայաստանի անկախութեան մէջ, բանաստեղծութեան իշխան՝ Վահան Թեքեանի մահէն ճիշդ երկու տարիներ ետք:

Թեքեան Մշակութային Միութիւնը՝ տարիներու ընթացքին՝ ոգեկան առաքելութեամբ մը, աշխարհի գանազան ավերուին վրայ, ծաղկեցաւ՝ ուռճացաւ եւ տարածուեցաւ, դառնալով հայ մշակոյթի հոգիի ուխտակէտը մը, ուր գեղեցիկ ներդրումներով շաղախուեցաւ հայ մարդու հոգին՝ հայ գրականութեամբ՝ ու գեղեցիկ արուեստներու խորհուրդով, եւ սկսաւ գործել, իր բարեյոյս արարողական աշխատանքային ծիսակատարութիւնը՝ ծառայելով հայ մշակոյթին:

Մակայն, յարգելի թեքեանականներ՝ հարազատ համակիրներ եւ մշակութասէր ներկաներ, այս շնորհալի նուիրական բոլոր աշխատանքը իրագործողները, նուիրեալ անձեր են, որոնք խորապէս կը հաւատան հայ մշակոյթի բիրտեղացած ոգեկանութեան, անոնք հաւատարիմ երդեալներ են, որոնք նուիրումը եւ հայրենասիրութիւնը՝ սահման եւ արգելք չի ճանչնար, անոնք բոլորը՝ առանց բացառութեամբ՝ գաղափարի նուիրեալներ են, որոնք իրենց շատ սեղմ կեանքի ժամանակէն՝ բաժին կը հանեն ծառայելու հայ մշակոյթին:

Այս առիթով մենք կը յայտնենք մեր խորին յարգանքը՝ եւ վեհագոյն պատիւը եւ մեծարանքը բոլոր թեքեականներուն եւ ի դիմաց բոլորին, կ'ուզենք յիշատակել արեւի քան յիսուն տարիներէ ի վեր, իմ հարազատին՝ բարեկամին եւ ընկերոջս, յանձինն Յակոբ Վարդիվառեանի անունը, որպէս գործօն ժիր թեքեանական մը, որ անսահման նուիրումով կը ծառայէ Թ.Մ.Միութեան առաջին օրէն ամենուրեք եւ ամէն տեղ:

Այս բոլոր Թեքեանական նուիրեալները՝ մօտէն կը ճանչնան հայ բանաստեղծութեան իշխան՝ Վահան Թեքեանի գրականութիւնը եւ յատկապէս իր քերթողական շնորհքը եւ գաղափարական հաւատամքը:

Վահան Թեքեան՝ հայ ժողովուրդի ազնիւ եւ արժանաւոր գրականներէն մէկն էր. իր ամբողջական կեանքը՝ իր ոգեղէն հարստութիւնները նուիրած էր իր ժողովուրդին՝ իր հայրենիքին, հայ բանաստեղծութեան եւ Հայաստանեայց եկեղեցիին:

Հայաստանեայց եկեղեցւոյ՝ դէպի երկինք բարձրացող գաղտնի ճամբով, Թեքեան կրցած է մեկնաբանել եւ արտայայտել, հայոց ճշմարիտ՝ անարատ ազգային հոգին, իր բոլոր բարոյակից յատկանիշներով եւ առաքինութիւններով, որոնք շքեղօրէն անթերուած եւ

Գեորգ Ե. Սուրենեանց կաթողիկոս Խորհրդային իշխանութեան առաջին տասնամեակին

Ի Յիշատակ Անվեհեր Յայրապետին (1911-1930)

ԴՊԿՏ. ԶԱԻԷՆ Ա. ՔՅՆՅ. ԱՐՁՈՒՄԱՆԵԱՆ

Մթափեա՛ հայ ժողովուրդ եւ ի բաց վանեա՛ զկիրս եւ զպայքարս կուսակցականս զի աստէն մնացորդք նահատակ ժողովրդեան մերոյ տառապին ի սովոս եւ առ ձեզ դիմէ վշտալի սրտիւ Հայրապետն Հայոց, որք հեռի կայք ի Հայաստան աշխարհէ, վասնզի զի՞ եւս պիտոյ են մեզ այնուհետեւ Հայրենիք առանց բնակչաց

Գեորգ Ե. Կաթողիկոս Ամենայն Հայոց

Խորհրդային Հայաստան

Ամենայն Հայոց Ս.Տ. Գեորգ Ե. Յայրապետի 1911 թուականի ընտրություններն վեց տարիներ ետք Ռուսական Կայսրության վերջին տասնամեակը կը փակուի յեղափոխութեամբ, եւ Յայրապետն ու Մայր Աթոռը Խորհրդային կարգերու անցումային առաջին տասնամեակը պիտի դիմաւորէին՝ բոլորովին խորթ եւ աննպաստ պայմաններու տակ: Հայաստանի Հանրապետութեան աւարտին, 1921 թուի Հոկտեմբեր 31ի Կոնդակով Գեորգ Ե. Յայրապետը կոչ կ'իւրաւորէր ի սփիւռս աշխարհի ցրուած հայոց, համախմբուիլ նորակազմ հայրենի պետութեան՝ Խորհրդային Հայաստանի շուրջ, առանց պառակտուելու եւ հակընդդէմ պայքարներու ձեռնարկելու: Վերելի մարգարեաշունչ պատգամին վերջին բառերը թող հնչեն այժմու մեր Հանրապետութեան ղեկավարներու ծանր ականջներուն՝ վասնզի զի՞ եւս պիտոյ են մեզ այնուհետեւ Հայրենիք առանց բնակչաց:

Առաջին անգամն ըլլալով Յայրապետական Սրբատառ Կոնդակով կը թարգմանուի ֆրանսերէնի եւ անգլերէնի Եւրոպական քրիստոնէայ եւ մարդասէր պետութիւններուն եւս դիմելով, որոնք սակայն լուր եւ անտարբեր կը մնային հայ ժողովուրդի նկատմամբ: Հայրապետը կ'ականարկէր անընդհատ ամբ պատերազմի, որոնց հետեւանքով հալածանք, չարչարանք, տարագրութիւն եւ տառապանք, ութ տարիներ տուայտանքի մատնեցին հայ ժողովուրդը, յորս խոնարհ արար զմեզ Աստուած, եւ ամբ յորս տեսաք զչարչարանս, աղօթելով զի ընկալցի Տէր զպատարագս մեր պարգեւեալս ի Հայաստան աշխարհէ:

Գեորգ Ե. Վշտալի Կաթողիկոսի համոզմամբ Խորհրդային կարգերը եկան մեծ յոյս ներշնչելու ազատագրել կարենալու համար հայ ժողովուրդը իսկական կործանումէ, հիւանդութեան եւ տնտեսական ամենաճանր պայմաններէն: Նոր կարգերը, թէ իսկ հակակրօն եւ համայնավար, գերձնշիչ ու ստրկացնող, միակ յոյսը կը ներշնչէին տուեալ անմիջական պարագաներու տակ, որոնց հովանաւորութեամբ միայն Հայաստանն ու Մայր Աթոռ կրնային մնալ եւ գոյատեւել, անշուշտ մեծագոյն զինով, զոհողութեամբ եւ գերագոյն զիջումներով:

Հեռատեսութիւն եւ Բմաստութիւն

Օրուան հակակրօն եւ ապագային պարտադրեալ պայմաններուն տակ Մայր Աթոռը ստիպուած էր հեռատեսութեամբ, իրապաշտ ոգիով, իմաստութեամբ եւ ներքին արիւթեամբ դիմագրաւելու Խորհրդային կարգերը ի Հայաստան եւ ի Ս. Էջմիածին: Գեորգ Ե. Կաթողիկոս, 1927 հոկտեմբերին, Ռուս յեղափոխութեան տասնամեակին, իմաստուն եւ համբերատար ոգիով Խորհրդային Հայաստանի ուղղեալ իր պաշտօնական գրութեամբ կը հաստատէր թէ՛ Էջմիածինը իր եկեղեցական վարչական կազմակերպութեամբ, յատկապէս իմ նախագահութեան ներքոյ գործող Գերագոյն Հոգեւոր Խորհուրդով, օրինապահ դիրք պիտի որդեգրէր եւ բարեացակամ մնար կառավարութեան նկատմամբ: Հոն ըսուած էր նաեւ որ Կաթողիկոսը շարք մը յատուկ Կոնդակներ դրկած էր արտասահման, հայ եկեղեցական Աթոռներու՝ Հայաստանի անմիջական օգնութեան համար: Յիշեալ հինգ Կոնդակներէն (թիւ 417, 54, 431, 498, 34) թիւ 54 Յունուար 24, 1922 թուակիր Կոնդակով՝ ուղղեալ Կ. Պոլսոյ Հայոց Պատրիարք Զաւէն Արքեպիսկոպոս Տ. Եղիայեանի, Կաթողիկոսը շնորհակալութիւն կը յայտնէր արտասահմանի վասն սովելոց Հայաստանի Օգնութեան Կոմիտէին կատարած աշխատանքներուն համար, յանձնարարելով միաժամանակ ջանալ զամենայն միութիւնս կազմել վասն օգնութեան Հայաստանի: Կոմիտէն նաեւ կը մասնակցէր երկրի վերաշինութեան եւ առաջին ներգաղթողներու աշխատանքին:

Իր Կոնդակը Գեորգ Ե. Կաթողիկոս կը փակէր իր յուզիչ խօսքերով՝ բառնալ զձեռս իմ եւ ի գուճ անկեալ առաջի Իջման Սուրբ Մեղանոյ Միածնի Բանին Աստուծոյ, եւ աղօթել վասն վերաշինութեան եւ վերա-կանգնման վշտակիր ժողովրդեան մերոյ:



Հայրապետը կրաւորական դիրք երբեք չբռնէր՝ հակառակ ճնշիչ պայմաններուն: Վերոյիշեալ Կոնդակները Հայ Եկեղեցին բարեկարգ պահելու առաջարկներ եւ կարգադրութիւններ կը բովանդակէին, նորակազմ Գերագոյն Հոգեւոր Խորհուրդի, Նոր Տոմարի գործածութեան, պաշտամունքի ժամանակ երգեհոնի օգտագործման, Կիլիկիոյ Կաթողիկոսութեան անկեալ վիճակէն իր վերականգնումին՝ Երուսաղէմի հայոց պատրիարքութեան նախաձեռնութեամբն ու Հայրապետի օրհնութեամբ, այրիացեալ քահանաներու կրկնամուսնութեան, որոնք երէցկիները գաղթի եւ կոտորածի ճամբուն վրայ կորսընցուցած էին, ինչպէս նաեւ Միջեկեղեցական նորակազմ յարաբերութեանց Հայ Եկեղեցւոյ նախնագոյն ներկայացուցչութեամբ՝ դարձեալ Հայրապետին որոշումով:

Գոհունակ Հայրապետը

Տարի մը ետք Ս.Տ. Գեորգ Ե. Ամենայն Հայոց Կաթողիկոս իր 1923 Նոյեմբեր 1-ի Կոնդակով մխիթարական կը գտներ հայոց վիճակը, զի ժողովուրդն մեր կենսունակ եւ աշխատասէր կամի լինել, եւ ես ուրախ եղէ զի տեսի անապատն ծարաւի զերկիր մեր հայրենի կրկին զգեցեալ զարդ հարսին նորատու: Հայրապետը նոյն Կոնդակով կը դրուատէր Հայաստանի Խորհրդային Հանրապետութիւնը որուն կը վերագրէր Հայաստանի տնտեսական վիճակին բարւոքումը եւ աւերեալ տուններուն շինութիւնը՝ ականարկելով պետութեան վերակառուցման հինգամեայ առաջին ծրագրին:

Հիմնական Փոփոխութիւն Բացասական եւ Դրական

Որքան որ Գեորգ Ե. Կաթողիկոս լուստես մնաց ամէն զոհողութիւններու զինով, Սովետական Միութեան երկրորդ տասնամեակը, Հայրապետին 1930 թուի վախճանումէն ետք, ժխտական եւ շատ ծայրայեղական դրսեւորումներ արձանագրեց: Նոր դրութեան ժխտական թէ դրական ազդակները հիմնապէս փոխեցին հայ ժողովուրդի պատմական եւ վաւերական նկարագիրն ու դիմագիծը, անոր տալով համայնավար դրութեան խորթ եւ յաճախ անտանելի պայմաններ: Սկզբնական տարիներուն պետական սեղմումները իրենց գոյնը ցոյց տուին յետագային, երբ Հայաստան կղզիացած մնաց բռնատիրական ուժգին թաթի տակ, կրօնք եւ բարոյական գործ, անձնական գործառնութեանց մենաշնորհներէ հեռու:

Պետական ոյժը հանրապետութիւններուն եղբայրական օգնութեան ցանցը կը կազմէր՝ հպատակութեան հրամայականին ներքեւ: Այդ պատճառաւ Հայաստանի մաս չկազմեցին Կարսն ու Արտասահնը, Սարըղամիշն ու Ալեքսանդրապոլը, որոնք Սովետական կարգերու շուրին տակ Թուրքիոյ սահմաններուն մէջ մնացին, սակայն շուտով 1924 թուին անոնցմէ Ալեքսանդրապոլը Խորհրդային Հայաստանին վերադարձուեցաւ եւ կոչուեցաւ Լենինական:

Տնտեսական ծանր կացութիւնը դարմանելու համար Խորհրդային Ռուսաստան 1920ի Դեկտեմբերին Հայաստան պարեն, հացահատիկ, անասուն եւ դրամ ուղարկեց, ինչպէս նաեւ Ուքրանիա՝ հացահատիկ, եւ Ատրպէյճան՝ քարիւղ: Լենինական ստացաւ կերպասի արդիւնաբերութեան յատուկ գործարան մը որ եղաւ առաջնեկը Հայաստանի ճարտարարուեստի կալուածէն ներս:

ՅԱՂԹԱՆԱԿՆԵՐԸ ԿԸ ՆՈՒԱԾԵՆ ՆԿԱՐԱԳԻՐՈՎ

ՆՈՒԱՐԴ ՄԱՏՈՅԵԱՆ-ՏԱՐԱԳԵԱՆ

«Ծնունդն են մեծ բայց չեն թողնում որ դառնան մեծ»

Պ. Ս.

Ժողովուրդի մը, ինչպէս նաեւ անհատին կեանքին մէջ մեծ կարեւորութիւն ունի նկարագրի կազմութիւնը: Նկարագիրով է որ մարդիկ կը հասնին բարձր վերելքներու եւ արուեստի եւ գիտութեան ու տնտեսութեան բնագաւառներէն ներս: Եւ նոյնպէս պատերազմի դաշտին վրայ նկարագիրով է որ կը նուաճեն յաղթանակները:

Նկարագիրը իր ամբողջական իսկական իմաստով կը նշանակէ՝ բարոյական առաքինութիւններուն մշակումը անհատական եւ հաւաքական կեանքէն ներս: Ազգին համար պատրաստելու ոչ թէ անհատներ այլ անձնաւորութիւններ:

Անհատը եւ հաւաքական կեանքը առնչուած են իրար հետ, զիրար լրացնող մէկ ամբողջութիւն կը կազմեն, մէկը միւսով կ'արժեւորուի:

Այս մեկնակէտէն ելլելով, յայտնի մտածողներ ու ընկերաբաններ շեշտը դրին անհատին վրայ, անոր մէջ զարգացնելու անձնաւորութեան գաղափարը:

Այս առումով, նկարագիրը այն միջոցն է որ մարդը կ'առաջնորդէ դէպի անձնաւորութիւն, իր մէջ արթնցնելով մարդկային ազնիւ զգացումներ: Բարոյական նկարագրի մը յատկանիշներն են ուժեղ կամք, իրատեսութիւն եւ դատողութիւն:

Հաւաքական անձնաւորութեան գիտակցութենէն կը բխի ազգային կարգապահութիւնը եւ ազգայնականութիւնը:

Ազգայնականութիւնը քաղաքական առումով կը նշանակէ պետութեան կազմակերպումը համաձայն ազգի անձնաւորութեան ու նկարագրին: Այսինքն պետական ձեւը սերտօրէն կապուած է ազգին առանձնայատկութիւններուն ու հոգիին հետ:

Քաղաքակիրթ ազգեր ու ժողովուրդներ իւրացնելով ընկերաբաններու հասարակական ու քաղաքական գործիչներուն տեսութիւններն ու առաջադրած գաղափարները, կրցան հասնիլ բնական ազգայնականութեան մը, ստեղծել իրենց սեփական ազգային-հաւաքական կեանքը: Այդպիսով անոնք յաջողեցան իրականացնել ու պահպանել իրենց հոգիին ամբողջականութիւնը, որ նախապայման է կառուցելու հզօր պետութիւն:

Հայ ժողովուրդին նկարագիրը ուսումնասիրող տեսաբաններ բարձր գնահատած են հայուն մտաւոր կարողութիւնները, գոյատեւելու կամքն ու ձեռներեց ոգին:

Ճշմարտութիւն մը, որ բնորոշիչ յատկութիւնն է հայոց ազգին:

Ո՞վ չի գիտեր, թէ դարեր շարունակ հայ ժողովուրդին աննկուն կամքն ու անօրինակ հերոսութեան խոյանքները ոգեշնչած են ազատատենչ հայրորդներու բազուն սերունդներ:

Սակայն՝ կայ նաեւ ուրիշ ճշմարտութիւն մը որուն չենք փորձած անդրադառնալ: Օտարը աւելի լաւ կրցած է մեզ ճանչնալ: Ֆրիտեոֆ Նանսէնը մեզի կը յիշեցնէ, թէ հայ ժողովուրդին դժբախտութիւններուն հիմնական պատճառը օտարին ցուցաբերած նուիրական ծառայութիւնն է, «Հայ ժողովուրդին ողբերգութիւնը օտարին անմնացորդ նուիրումով ծառայելու մէջ է»:

Դարեր շարունակ, հայ ազգի տիրակալներու վճիռներէն եւ գործելակերպէն կախուած էր Բիւզանդական կայսրութեան ճակատագիրը:

Բիւզանդիոնի հայ ազգի կայսրերը չկրցան օգտակար հանդիսանալ իրենց հայրենիքին:

Որովհետեւ անոնք կը գործէին ոչ որպէս հայեր, այլ որպէս Բիւզանդացիներ:

Նանսէն կ'ընդգծէ այն իրողութիւնը, թէ մեծ տէրութիւններու հայ տիրակալներն ու ակնառու քաղաքական ու մշակութային գործիչներ, չեն փորձած օգնել իրենց սեփական երկրին, չեն կրցած պահպանել Հայաստանի քաղաքական անկախութիւնը: Որովհետեւ՝ անոնք բաւարարուած էին հայ ժողովուրդի հոգեւոր միասնութեան գաղափարով, միշտ համախմբուած մնացին իր ենց եկեղեցիին շուրջը:

Ահա թէ ինչու, «Հայերը չկրցան հասնիլ այն ճշմարիտ, համընդհանուր հայրենասիրութեան, որուն դիմաց կ'ընկրկէին բոլոր մնացած գործօնները, որ պիտի ըլլար ազատութեան ու քաղաքական միասնութեան նախապայման» կ'ըսէ Նանսէն:

Մենք հայերս ե՞րբ քաջութիւնը պիտի ունենանք ընդունելու մեր թերութիւնները, հայ կեանքի տխուր եղելութիւններուն պատճառները փնտռելու մեր մէջ:

Այս առնչութեամբ յիշենք հայ ժողովուրդի ողբերգական իրադարձութիւններուն ժամանակակից, հայութեան ցաւերով տառապող, իր ժողովուրդին ողբերգուն դարձած Թումանեանի հետեւեալ տողերը: «Խորապէս ցաւելով պէտք է խոստովանիմք, որ մեր ժողովուրդի մէջ սաստիկ զարգացած է վրէժխնդրութեան զգացումը եւ մեր մարդը վրժ առնելու համար յաճախ կանգ չի առնում ոչ մի միջոցի առջեւ: Եւ աւելի եւս զգուշիւն այն է, որ նա սիրում է իր վրէժը լուծել ու հարուածը տալ ուրիշի ձեռքով՝ ինքը միշտ մութի մէջ: Այս յատկութիւնը շատ ոճիրների պատճառ դարձաւ: Երբ թշնամի մարդիկ իրենց ձեռքին գործիք էին դարձնում այս կամ այն կազմակերպութեան մարդկանց ու «գաղափարի» անունով իրենց հաշիւները մաքրում ամենայն անզօրութեամբ»:

Պարոյր Սեւակն էր, որ խոր ցաւով աշխարհին կը յայտարարէր. «Հարիւր տարին մէկ են ծնունդ, մեծութիւններն այս աշխարհի, բայց ամէն օր հարիւր մեծ է գալիս աշխարհ, ծնունդ են մեծ, բայց չեն թողնում որ դառնան մեծ»:

Երբ մտաւոր ու հասարակական կեանքէն ներս հայ զանգուածներ յամառօրէն կը սնուցանէին անհեթեթ վարկածներ ու վրիպած առասպելներ, իրենց քարացած ու վիրաւորիչ վճիռներով նսեմացնելու հայութեան իսկական արժէքները:

Եւ տակաւին ինչպէս բացատրել, քաղաքացիական կրթութեան պակասէն եւ հանդուրժանքի անգոյութենէն, մեր ազգային կեանքէն ներս այս հիւանդութիւնը կը վերածուի անբուժելի համաճարակի մը: Սեւակին խօսքերը չկորսընցուցին իրենց իմաստը:

Մեր ազգային կեանքի մտահոգիչ երեւոյթներուն մասին շատեր կը գրեն, բայց համարեալ ոչ ոք կը փորձէ բացատրել այդ թերութիւնները նպաստող ու քաջալերող պատճառներուն մասին: Թէ ինչի հետեւանք է, ի՞նչ պէտք է ընել այդ վիճակէն դուրս գալու համար:

Դժբախտաբար որքան ալ գրենք այդ երեւոյթներուն մասին հաւատամքով ու ազգային ոգիով, ոչինչ կը փոխէ իրականութենէն եւ ժխտական ընդունելութիւն կը գտնէ:

Մեր ժողովուրդին ամէնէն կենսական հարցը կը կայանայ պարզ հաստատումի մը մէջ՝ ի՞նչ հանգրուանի հասած ենք մենք որպէս ազգ եւ

ժողովուրդ:

Որքա՞նով կրցած ենք իրականացնել մեր նպատակներուն հասնելու անհր ամենապայմանները, իբրեւ մեկնակէտ ճանչնալ հիմնական իրողութիւններ, իբրեւ խարխիս որդեգրել բացարձակ ճշմարտութիւններ, որոնք մեզ պիտի առաջնորդեն կերտելու մեր ազգին յառաջընթացը:

Ո՞րն է այն հաստատուն խարխիսը որուն վրայ պէտք է յենի մեր ժողովուրդի հաւաքական կեանքը:

Յայտնի իրողութիւն է, թէ մարդը զինք շրջապատող հանգամանքներու արդիւնք է: Առանց հանգամանքները փոխելու մարդը չի կրնար վերափոխուիլ:

Եթէ հետեւինք մարդու անհատականութեան պատմութեան պիտի տեսնենք, թէ մարդը փոխուելու ու զարգացելու է ոչ թէ իր ցանկութեամբ, այլ որովհետեւ վերափոխուած են զինք շրջապատող հանգամանքները:

Ուրեմն ինչո՞ւ չի հետեւինք քաղաքակիրթ ազգերու անցած ուղիին, զարգացնելով մեր ազգային նկարագիրը: Նկարագիր, որ պիտի նպաստէ ճնշուածի ու խեղճի բարդոյթին փոխարէն ձեռք բերել յաղթողի եւ ուժեղի հոգեբանութիւնը, պիտի արթնցնէ մարդկային արժանապատուութեան ու ազգային հպարտութեան զգացումը:

Այսպիսով կարելի է ամրապնդել ազգային հոգեբանութեան նոր որակ, որ կրնայ դաստիարակել նաեւ յաջորդ սերունդները:

Եւ քանի որ փաստուած իրողութիւն է, թէ յաղթանակները կարելի է նուաճել նկարագիրով, խոր համոզումը ունինք, որ հայ ժողովուրդը պիտի գտնէ իր սեփական նկարագիրը դառնալու հզօր ազգ, կերտելու հզօր Հայաստան:

Հալէպ

**«Հայաստան» Հիմնադրամի
Հեռուստամարաթոնի Ընթացքին
Հանգանակուեցաւ 12,5 Միլիոն ԱՄՆ Տոլար**

«Հայաստան» համահայկական հիմնադրամի «Հեռուստամարաթոն 2017»-ին հաւաքուեցաւ 12 միլիոն 505 հազար 456 ԱՄՆ տոլար:

Հեռուստամարաթոնէն ստացուած գումարը պիտի ուղղուի երկու խոշոր ծրագրի. Արցախի մէջ խորքային հորերու հորատման ու նոր ռոտզման ցանցի կառուցման, ինչպէս նաեւ արեւային ուժանիւթի կայաններու տեղադրման առաջին փուլով Ասկերանի շրջանին եւ Շուշիի մէջ:

Նախորդ տարի «Իմ Արցախը» խորագրի ներքոյ տեղի ունեցած հեռուստամարաթոնի ընթացքին հանգանակուած է 15.4 միլիոն ԱՄՆ տոլար: Անիկա ուղղուած է Արցախի տուժած բնակավայրերու վերականգնման, խաղաղ բնակչութեան անվտանգութեան ու պաշտպանութեան ուղղուած ձեռնարկներուն, Արցախի բազմազան կրթական հասարակական համար առանձնատուներու կառուցման:

Գործունէութեան 25 տարիներու ընթացքին Հիմնադրամը մօտ 700 հազար նուիրատուներու շնորհիւ աւելի քան 50 հազար ծրագրի իրականացուցած է Հայաստանի եւ Արցախի մէջ ընդհանուր 350 միլիոն ԱՄՆ տոլար արժուորութեամբ: Կառուցուած, վերակառուցուած եւ իրականացուած են աւելի քան 605 քմ/ճանապարհ, 580 քմ. ջրագիծ ու ջրատար, 149 քմ. կազմուղ, 70 քմ. էլեկտրագիծ, 359 դպրոց եւ մանկապարտէզ, 24 համայնքային կեդրոն, 500 տուն եւ բնակարան, 75 առողջապահական հաստատութիւն, 58 մշակութային ու մարզական կեդրոն, 100 ջերմոց, 169 կրթական, մշակութային ու գիտական ծրագրեր:

Մարիա Չախարովա. «Ռուսիա յարգանքով կը վերաբերի Հայաստան-ԵՄ համաձայնագրի ստորագրման»

Ռուսիոյ արտաքին գործոց նախարարութեան պաշտօնական ներկայացուցիչ Մարիա Չախարովա մեկնաբանած է Արեւելեան գործընկերութեան գազաթնաժողովի ծիրէն ներս նախատեսուած՝ Հայաստանի եւ Եւրոմիութեան յարաբերութիւններու նոր շրջանակային փաստաթուղթի՝ Համապարփակ եւ ընդլայնուած գործընկերութեան համաձայնագրի ստորագրման եւ պատասխանած այն հարցումին, թէ անիկա ի՞նչ կը նշանակէ հայ-ռուսական յարաբերութիւններուն համար:



«Մենք պէտք չունենք մասնաւորապէս, Հայաստանի հետ մեր յարաբերութիւնները կը զարգացնենք եւ ատիկա կ'ընենք փոխշահաւէտութեան հիման վրայ: Միաժամանակ, կը հասկնանք, որ իւրաքանչիւր պետութիւն ունի իր արտաքին քաղաքական շահերը, նպատակները, խնդիրները եւ յարգանքով կը վերաբերինք ատոր»,- ըսած է Չախարովա:

Միաժամանակ, ան աւելցուցած է, որ պաշտօնական Երեւանի հետ փոխգործակցութեան ուղղութեամբ Ռուսիա իրականացուցած է արտաքին քաղաքական բազմաթիւ միջոցառումներ: «Ռուք ակնատես եղած էք ամենաբարձր, արտաքին քաղաքական գերատեսչութիւններու մակարդակով հանդիպումներու, որոնց ընթացքին քննարկուած են հարցերու լայն շրջանակ, բացուած են համապատասխան ցուցահանդէսներ, եղած են համապատասխան յայտարարութիւններ: Միաժամանակ, իւրաքանչիւր պետութիւն ունի իր արտաքին քաղաքական միջոցառումները, որոնք կը համապատասխանեն սեփական արտաքին քաղաքական հայեցակարգի զարգացմանը»,- ըսած է ան:

Դիլիջանի Մէջ Պաշտօնապէս Բացուեցաւ Ռազմամարզական Վարժարան

Դիլիջանի մէջ, Նոյեմբեր 21-ին, Սոնթէ Մելքոնեանի 60-ամեակի նախաշեմին, կայացաւ Հայաստանի եւ Արցախի ազգային հերոսի անունը կրող ռազմամարզական վարժարանին պաշտօնական բացումը:



հնարքները:

Հանրապետութեան Նախագահը՝ շրջեցաւ վարժարանին մէջ ու ծանօթացաւ ուսումնառութեան եւ վարժարանի սաներու կենցաղավարութեան համար ստեղծուած պայմաններուն, ապա ներկայ եղաւ վարժարանին մէջ ԹՈՒՄՕ-բանակ համագործակցութեամբ ստեղծուած լսարանի բացման:

Նշենք, որ Սոնթէ Մելքոնեանի անուն ռազմամարզական վարժարանին մէջ կրթութիւն կը ստանան աւագ դպրոցի՝ 10, 11 եւ 12-րդ դասարաններու աշակերտները: Ներկայիս, ուսանողներուն թիւը 190 է, անոնցմէ 94-ը ընդունուած են այս տարի: Աշակերտները Հայաստանի տարբեր մարզերէն են: Վարժարանին մէջ կրթութիւնը կ'իրականացուի հանրակրթական ծրագիրով:

Ամբողջովին նոր, միջազգային ամենաբարձր չափանիշներուն համապատասխանող վարժարանին մէջ ստեղծուած են հրաշալի պայմաններ՝ ուսումնառութեան եւ ժամանցի համար: Վարժարանին մէջ կը գործեն ժամանակակից վարժասարքերով յագեցած մարզադահլիճներ, կառուցուած են լողաւազան, ֆութպոլի, պասքէթպոլի եւ մեծ թենիսի խաղահրապարակներ: Կը մատուցուի որակեալ սնունդ՝ բարձրակարգ ճաշարանի մէջ: Վարժարանը կը հոգայ սաներու կեցութեան, սնունդի եւ հագուստի ծախսերը: Կրթական ընթացքը Երկուշաբթիէն-Ուրբաթ է, հանգստեան օրերուն սաները կրնան մեկնիլ տուն կամ մնալ վարժարանին մէջ:

Հանդիսութեան ներկայ էր Հայաստանի Հանրապետութեան նախագահ Սերժ Սարգսեան, որ շնորհաւորելէ ետք բոլորը, իր ելոյթին մէջ նշեց,- «Այս վարժարանը Սոնթէի գործի շարունակականութեան փայտուն վկայութիւնն է, եթէ կ'ուզէք՝ անոր խորհրդանիշը: Սոնթէն պետականութեան եւ կանոնաւոր բանակի ստեղծման ամենաեռանդուն ջատագովներէն մէկն էր:

Ան առաջիններէն էր, որ հասկցաւ կարգապահ, արհեստավարժ ու ներդաշնակ ստորաբաժանումներու ստեղծման կարեւորութիւնը: Մարտունիի պաշտպանական շրջանին, անոր ղեկավարած ստորաբաժանումներուն բացառիկ յաջողութիւնները կապուած էին առաջին հերթին այս հանգամանքով:

«Սոնթէն իր տեսակին մէջ բացառիկ առաջնորդ էր: Այս վարժարանն ու իր սաները պէտք է ըլլան այդպիսին՝ առաջինը ամեն ինչի մէջ եւ ամենտեղ: Ես ամէն ինչ պիտի ընեմ, որպէսզի համապատասխան պայմաններ ստեղծենք այս վարժարանի սաներուն համար»:

Հանրապետութեան նախագահը, այնուհետեւ, Պաշտպանութեան Նախարար Վիգէն Սարգսեանի, ԱԱԽ անդամներու եւ հանդիսութեան ներկայ հիւրերուն հետ դիտեց կրթահամալիրի սաներուն հանդիսաւոր քայլերը:

Ապա տեղի ունեցաւ Սոնթէ Մելքոնեանի արձանի բացման արարողութիւնը, որ կատարեցին վարժարանի նախկին սան Վահագն Ասատրեան եւ ներկայ սան Դաւիթ Անդեանեան: Բացման արարողութեան յաջորդեց Սոնթէ Մելքոնեանի ռազմամարզական վարժարանի 80 առաջին դասարանցիներու խոստման արարողութիւնը:

«Ճանապարհի դէպի բարձունք» անուն տակ վարժարանի սաները ցուցադրեցին իրենց մարտական

Հայաստանի Հանրապետութիւնը եւ Եւրոպական Միութիւնը ստորագրեցին համապարփակ եւ ընդլայնուած համագործակցութեան համաձայնագիրը



Հայաստանն ու Եւրոմիութիւնը ստորագրեցին Համապարփակ եւ ընդլայնուած համագործակցութեան համաձայնագիրը:

Համաձայնագիրը ստորագրուեցաւ ՀՀ Նախագահ Սերժ Սարգսեանի եւ Եւրոպական խորհուրդի նախագահ Տանըլտ Դուսփի ներկայութեամբ՝ ՀՀ արտաքին գործոց նախարար Էդուարդ Նալբանտեանի եւ ԵՄ արտաքին քաղաքականութեան եւ անվտանգութեան հարցերով բարձր ներկայացուցիչ Ֆետերիքա Մոկերինիի կողմէ:

Ստորագրման հանդիսաւոր արարողութիւնը տեղի ունեցաւ ԵՄ մայրաքաղաքի «Եւրոպա» մեծ ու խորհրդանշական կառոյցին մէջ՝ Արեւելեան գործընկերութեան գազաթնաժողովին ծիրէն ներս:

Համապարփակ եւ ընդլայնուած գործընկերութեան համաձայնագիրով կողմերը հաստատակամութիւն կը յայտնեն ամրապնդելու համապարփակ քաղաքական եւ տնտեսական գործընկերութիւնն ու համագործակցութիւնը՝ հիմնուած ընդհանուր արժեքներու եւ սերտ կապերու վրայ, ներառեալ՝ բարձրացնելով Հայաստանի Հանրապետութեան մասնակցութիւնը Եւրոպական միութեան քաղաքականութեան, ծրագիրներուն եւ գործակալութիւններու աշխատանքներուն: Համաձայնագիրով նպատակ կը հետապնդուի խթանելու, պահպանելու եւ ամրապնդելու խաղաղութիւնը եւ կայունութիւնը եւ տարածաշրջանային, եւ միջազգային մակարդակներով, ներառեալ՝ լարուածութեան աղբիւրները վերացնելու համար ջանքերը համախմբելու, սահմանային անվտանգութիւնը զօրացնելու միջոցով, ինչպէս նաեւ միջսահմանային համագործակցութիւնն ու բարիդրացիական յարաբերութիւնները: Կ'ընդլայնուի նաեւ շարժունակութիւնը եւ տարբեր երկիրներու մարդոց միջեւ կապը:

Համաձայնագիրով կը շեշտուի՝ Լեռնային Ղարաբաղի հակամարտութեան խաղաղ եւ տեսական կարգաւորման համար Հայաստանի Հանրապետութեան յանձնառութեան կարեւորութիւնը եւ ԵԱՀԿ Մինսկի խումբի համանախագահներու կողմէ վարուող բանակցութիւններու ծիրէն ներս այդ կարգաւորման հնարաւորինս շուտ հասնելու անհրաժեշտութիւնը, ընդունելով նաեւ ՄԱԿ-ի կանոնադրութեան մէջ եւ ԵԱՀԿ Հելսինկեան եզրափակիչ ակտին մէջ ամրագրուած նպատակներու եւ սկզբունքներու հիման վրայ այդ կարգաւորման հասնելու անհրաժեշտութիւնը, մասնաւորապէս, այն նպատակներու եւ սկզբունքներու, որոնք կ'առնչուին ուժի կիրառումէն կամ անոր սպառնալիքէն խուսափելուն, պետութիւններու տարածքային ամբողջականութեան եւ ժողովուրդներու իրաւահասարակութեան ու ինքնորոշման իրաւունքին եւ արտացոլուած են ԵԱՀԿ 2008 թուականի նախարարներու խորհուրդի 16-րդ հանդիպումէն ի վեր ԵԱՀԿ Մինսկի խումբի համանախագահութեան շրջանակներուն մէջ եղած բոլոր յայտարարութիւններուն, նշելով նաեւ կարգաւորման այս գործընթացին աջակցելու՝ Եւրոպական միութեան յայտարարուած յանձնառութիւնը: Համաձայնագիրին մէջ, իբրեւ ընդհանուր սկզբունք կը շեշտուին ժողովրդավարական սկզբունքներու, իրաւունքի գերակայութեան, մարդու իրաւունքներու եւ հիմնարար ազատութիւններու հանդէպ յարգանքը՝ ամրագրուած մասնաւորապէս, ՄԱԿ-ի կանոնադրութեան մէջ, ԵԱՀԿ Հելսինկեան եզրափակիչ ակտին մէջ եւ 1990 թուականի Նոր Եւրոպայի փարիզեան խարտիային մէջ, ինչպէս նաեւ մարդու իրաւունքներուն վերաբերեալ համապատասխան այլ փաստաթուղթերու մէջ, ինչպէս օրինակ՝ ՄԱԿ-ի Մարդու իրաւունքներու համընդհանուր հռչակագիրը եւ Մարդու իրաւունքներու եւրոպական համաձայնագիրը, կը կազմէ Կողմերու ներքին եւ արտաքին քաղաքականութեան հիմքը եւ սոյն Համաձայնագիրին կարեւոր տարրը:

Կողմերը կը վերահաստատեն ազատ շուկայական տնտեսութեան սկզբունքներու, կայուն զարգացման, տարածաշրջանային համագործակցութեան եւ արդիւնաւէտ բազմակողմանիութեան վերաբերեալ իրենց յանձնառութիւնը:

Շարունակում էջ 3-ին

Գեորգ Ե. Սուրենյանց կաթողիկոս...

Պայմանագրի Կնքում

1921ի Հոկտեմբերին Սովետական Ռուսաստանի ներկայացուցիչները պայմանագիր մը կնքեցին մէկ կողմէ Հայաստանի, Վրաստանի եւ Ատրպեյճանի, եւ միւս կողմէ քեմալական Թուրքիոյ միջեւ, որ կը բխէր Մարտ 16-ին Մոսկուայի մէջ կնքուած ռուս թուրք պայմանագրէն: Իսկ Ռուսաստանի եւ Հայաստանի միջեւ տնտեսական պայմանագիր մը եւս կնքուեցաւ որ նպաստեց շինարարական աշխատանքին: Նոյն պայմանագրով մշակութային գետնի վրայ Ռուսաստան Հայաստան ուղարկեց տպարանական սարքաւորումներ, մեծ քանակութեամբ թուղթ եւ պիտոյքներ: Տարի մը ետք Երեւան փոխադրեցին Էջմիածնի մատենադարանի ձեռագիր եւ տպագիր մատենները, ընդամենը 4660 հատոր, որոնք Մոսկուա տարուած էին: Երեւան փոխադրեցին նաեւ Նոր Նախիջեւանի թանգարանի ձեռագիր մատեններն ու գոյքերը: Հիմնուեցաւ Հայ Օգնութեան Կոմիտէն՝ նախագահութեամբ բանաստեղծ Յովհաննէս Թումանեանի: Ձեռագիրներու վերադարձը Էջմիածին յետագային հիմը պիտի դնէր Երեւանի Ս. Մեսրոպ Մաշտոցի անուան հոյակապ Մատենադարանին: Այս բոլորը նուիրեալ եւ իմաստուն Տ.Տ. Գեորգ Ե. Ամենայն Հայոց Կաթողիկոսի հայեացքին տակ:

Անդրկովկասի Դաշնակցութիւն (ՄԷՅՄ) Պետական Սահմանադրութիւն

1922-ի Յունուար 26-ին Սովետական Հայաստանի առաջին համագումարը որոշեց Անդրկովկասի Դաշնակցութեան ստեղծումը (ՄԷՅՄ) եւ Հայաստանի Սովետական Հանրապետութեան Սահմանադրութեան հաստատումը՝ բաղկացած 12 գլուխներէ եւ 89 յօդուածներէ: Մոյն սահմանադրութիւնը եկեղեցին անջատեց պետութենէն, եւ դպրոցը՝ եկեղեցիէն: Ութերորդ յօդուածով չեղեալ կը համարուէին Հայաստանի նախկին կառավարութիւններու կնքած բոլոր միջազգային դաշնագիրները ու վերջ կը տրուէր գաղտնի դիւանագիտութեան: Սահմանադրութիւնը կը հաստատէր, արտաքին, ներքին, արդարադատութեան, լուսաւորութեան, պատերազմական, տնտեսական, առողջապահական եւ թղթատարական նախարարութիւնները:

Երեւանն ու Գլխաւոր Քաղաքները

Նորահաստատ Խորհրդային Հայաստան իսկոյն ձեռնարկեց մայրաքաղաք Երեւանի շինութեան՝ անոր կողքին վեց ծաղկեալ քաղաքներով՝ Լենինական, Դարաքի լիսա, Նոր Պայագիտ, Դիլիջան, Գորիս եւ Էջմիածին: Արտաքնապէս եւ հեռուէն նշեալ յառաջդիմութիւնները խանդավառեցին արտասահմանի հայերը, որոնցմէ շատեր, ընդհանուր թիւով 20,000, աճապարեցին գաղթել հայրենիք: Պայմաններուն գոհացուցիչ չըլլալը յայտնի դարձաւ պարզ այն պատճառով որ Միջին Արեւելքի եւ եւրոպական ազատ եւ յառաջադէմ երկիրներէ նորաստեղծ եւ համայնավար դրութեան տակ ընկճուած երկիր մը գաղթող անձր յուսախաբութեամբ պիտի տեսնէր կեանքի մակարդակի տարբերութիւնը, աշխատավարձի եւ բնակարաններու անբաւարարութիւնը:

Ժխտական իրողութիւնները ահագանգային դարձան երեսունական թուականներէն սկսեալ, Գեորգ Ե. Կաթողիկոսի վախճանումէն ետք, երբ բռնատիրութիւնն ու նորեկներէն ոմանց անտանելի արքարը բոլորովին հակադրեցին բարի տրամադրութեանց եւ հայրենասիրութեան: Անմասն չմնաց նաեւ Հայաստանեայց Եկեղեցին 1930-էն ետք, երբ պիտի ենթարկուէր անչափելի բռնարարքներու, Մայր Աթոռը, ինչպէս Ռուս Ուղղափառ Եկեղեցին Մոսկուայի պատրիարքութենէն ներս, բոլորովին պիտի մերկանար իր հեղինակութենէն եւ ազդեցութենէն, յատկապէս Տ.Տ. Խորէն Ա. Մուրատբեկեան հերոս Կաթողիկոսի գահակալութեան կարճ շրջանին որուն ինք եւս զոհ գնաց 1938 թուականին:

Կլէտեղ

Կոնստանտին Օրբէլեան՝ «Կրեմմի 2018»ի Յաւակնորդ

ԵՐԵՒԱՆ, «Նիուզ».- Յայտարարուեցան «Կրեմմի 2018» հեղինակաւոր երաժշտական մրցանակաբաշխութեան յաւակնորդները, որոնց անունները հրապարակուած են «Կրեմմի»ի կայքի մէջ: Մրցանակաբաշխութեան արարողութիւնը տեղի պիտի ունենայ 28 Յունուար 2018ին, Նիւ Եորքի մէջ:



Կոնստանտին Օրբէլեան առաջադրուած է «Լաւագոյն դասական մեներգի ալպոմ» անուանակարգով՝ «Sviridov: Russia Cast Adrift» («Սվիրիտով. Հեռացող Ռուսիա») սկաւառակին համար:

UNWTO-ն Հայաստանը Ներառած է Աշխարհի Ճամբորդութեան Համար Լաւագոյն 20 Վայրերու Ցանկին Մէջ

Զբօսաշրջութեան համաշխարհային կազմակերպութիւնը (UNWTO) հրապարակած է աշխարհի Ճամբորդութեան համար լաւագոյն 20 վայրերու ցանկը: Հայաստան ներառուած է այս ցանկին մէջ: Այս մասին կը տեղեկացնէ «Փանորամա»-ն վկայակոչելով «Travel and Leisure» պարբերականը:



Կ ա զ մ ա կ ե ռ պ ո թ ի լ ն ը կ'ուսումնասիրէ միջազգային այցելուները եւ կը ներկայացնէ տեղեկութիւն, թէ որ պետութիւնները հետաքրքրութիւն կը ներկայացնեն զբօսաշրջիկներու համար: Անցեալ տարի զբօսաշրջիկներու մեծ հոսք նկատուած է նաեւ դէպի Հայաստան:

«Իր երկարամեայ պատմութեան ընթացքին (աւելի քան 3000 տարի) Հայաստան կը տառապի հակամարտութեան պատճառով: Մակայն իրավիճակը կայունացած է, անցեալ տարի զբօսաշրջութեան ոլորտի մէջ 18 տոկոսով աճ արձանագրուած է: Ան աշխարհի մէջ առաջին քրիստոնէական պետութիւնն է, եւ զբօսաշրջիկներուն ամենաշատը կը գրաւեն այնտեղի հազարամեակներու պատմութիւն ունեցող վանքերը»,- գրած է կազմակերպութիւնը:

Նաեւ կը նշուի, որ հակառակ երկարատեւ հակամարտութիւններուն, Միջին Արեւելքի պետութիւններուն մէջ՝ Եգիպտոս, Թունիս, նոյնպէս զբօսաշրջիկներու մեծ հոսք կայ:

Հայաստանի բնակչութեան թիւը 9 ամսուան մէջ նուազած է 14.000-ով

2017-ի առաջին 9 ամսուան մէջ Հայաստանի մշտական բնակչութեան թիւը նուազած է 0,4%-ով՝ կազմելով 2.979.600 մարդ՝ նախորդ տարուան նոյն ժամանակահատուածի 2.993.900-ի համեմատ:

Ազգային վիճակագրական ծառայութեան տուեալներուն համաձայն՝ 2015-ի համեմատ 2017-ին Հայաստանի մշտական բնակչութեան թիւը նուազած է 0,8%-ով:

Բնակչութեան կրճատման ծաւալներով առաջինները Լոռին եւ Շիրակն են: Երկու տարուան ընթացքին Լոռիի մարզին մէջ բնակչութեան թիւը կրճատուած է 6.900-ով՝ 2017-ին կազմելով 219.300՝ 2015-ի 226.200-ի համեմատ:

Նոյն ժամանակահատուածին Շիրակի մարզին մէջ բնակչութեան թիւը կրճատուած է 5800-ով. 2015-ին մարզին մէջ բնակչութեան թիւը կազմած է 243.200, իսկ 2017-ին՝ 237.400:

2 տարուան մէջ բնակչութիւնը նշուած մարզերուն մէջ կրճատուած է համապատասխանաբար 3%-ով ու 2,3%-ով:

Ճ Ա Շ Կ Ե Ր Ո Յ Թ

Պարահանդես

«Արարատ»-ի Տիկնանց Մարմինը սիրով կը հրաւիրէ Ձեր բոլորին «Ճաշկերոյթ-պարահանդես»ի որ տեղի պիտի ունենայ՝

**Շաբաթ, 17 Դեկտեմբեր 2017-ին
երեկոյեան ժամը 8.30-ին**

Հ.Բ.Ը.Մ.-ԱՐԱՐԱՏ կեդրոնի «Անանիա եւ Վարդուհի Խաչատուրեան» սրահին մէջ:

Երգ, պար, խմիչք եւ համադամ կերակուրներ:

Եկէք միասնաբար զուարճանանք եւ վայելենք գեղեցիկ գիշեր մը:

Յատուկ մէնու մեր պզտիկներուն համար:

Տեղ ապահովելու համար կրնաք հեռաձայնել հետեւեալ թիւերուն:- Տիկ. Սօնիա Քաջիկեանին .- 210 8957224, 694 533 3401:

«Արարատ»ի Տիկնանց Մարմին

Հոգեհանգիստ

Տէր եւ Տիկ Գալուստ եւ Երջան Ռուստէմեան եւ զուակները, Տէր եւ Տիկ Նիքո եւ Անի Բալա (Ռուստէմեան) եւ զուակները եւ համայն ազգականները հոգեհանգիստ կը խնդրեն իրենց մօր, մեծ մօր, ազգականին

Երիցուհի Ազատուհի Ռուստէմեանի

մահուան քառասունքին առթիւ որ տեղի պիտի ունենայ Կիրակի, 17 Դեկտեմբեր, 2017-ին Փերիսթերիի Ս. Աստուածածին եկեղեցոյ մէջ:

**Գրաւուած Օր
Արարատի Տիկնանց
Մարմնի կողմէ
17 Յունուար, 2018**

Գրաւուած Օրեր

4 Փետրուար 2018,
11 Փետրուար 2018
(Պազար)
24-25 Փետրուար 2018
(Թատերական)

Արարատ Մ.Մ.Միութիւն



Կարկանդակի բաշխում

Հ. Բ. Ը. Միութեան Յունաստանի Կեդր. Յանձնաժողովը, սիրով կը հրաւիրէ ձեզ, Նոր Տարուայ Կարկանդակի բաշխումին, որ տեղի պիտի ունենայ

Կիրակի 14 Յունուար 2018-ին, երեկոյեան ժամը 6:00-ին,

Հ. Բ. Ը. Միութեան «Հրանդ եւ Լուիզ Ֆէնէրճեան» հանդիսասրահին մէջ (Նաֆիլիու 11, Փ. Ֆալիբո):



**ΒΟΗΘΕΙΑ ΣΤΟΥΣ ΠΛΗΓΕΝΤΕΣ
ΤΗΣ ΔΥΤΙΚΗΣ ΑΤΤΙΚΗΣ**



Αγαπητοί Γονείς και Φίλοι,

Το Σχολείο της Γενικής Αρμενικής Ένωσης Αγαθοεργίας «Αρτάκι Καπλακιάν» σε συνεργασία με το Σύλλογο Γονέων και Κηδεμόνων θέλοντας να στηρίξει την προσπάθεια των τελευταίων ημερών προς τους πληγέντες των περιοχών της Δυτικής Αττικής, αποφάσισε να βοηθήσει τα μικρά παιδιά στέλνοντας σχολικά είδη.

Σχολικά είδη: κασετίνες, σάκες, μολύβια, γόμες, στίλο, τετράδια κλπ.

Ό, τι μπορεί ο καθένας να προσφέρει, είναι σημαντικό. Η συγκέντρωση των σχολικών ειδών θα γίνεται στο χώρο του Σχολείου τις Κυριακές και τις Τετάρτες το απόγευμα έως τις 10/12/2017. Επιπλέον, οι ίδιοι οι μαθητές μπορούν να τα φέρουν μαζί τους, κατά την προσέλευσή τους στο σχολείο.

Σας ευχαριστούμε εκ των προτέρων για τη συνεισφορά σας!



Η Διευθύντρια
Μαρία-Ελένη Μπεναρδή

ΣΥΛΛΟΓΟΣ ΓΟΝΕΩΝ ΚΑΙ ΚΗΔΕΜΟΝΩΝ ΑΡΤΑΚΙ ΚΑΛΠΑΚΙΑΝ

Միբերի ծնողք,

Ա. Գալիփքեան վարժարանի ծնողաց մարմինը դարձեալ կը հրաւիրէ ձեզ, **Կիրակի 03/12/2017 երեկոյեան ժամը 17:30էն-20:30** հաճելի երեկոյ մը եւս վայելելու ձեզ եւ ձեր երեխաներու հետ, մեր վարժարանի «Հրանդ եւ Լուիզ Ֆէնէրճեան» սրահին եւ բակին մէջ: Կրնան նաեւ մասնակցիլ ձեր ազգականները ու ընկերները միշտ ունենալով իրենց ուշադրութիւնը եւ հսկողութիւնը իրենց զուակներու վրայ:

Այս Կիրակի Ամանորեայ եւ Ս.Ծնունդի վերաբերեալ ձեռնային զարդարանքներ պիտի պատրաստեն բոլոր երեխաները: Նաեւ պիտի համտեսենք CHICKEN NUGGETS եւ զանազան համեղէններ բոլորիս համար:

«ԵԿԷՔ ԽԱՂԱՔ ՄԻԱՄԻՆ»



**ՆՈՐ ԱՇԽԱՐՀ
ԱԶԳԱՅԻՆ, ՄՇԱԿՈՒԹԱՅԻՆ.
ՀԱՍԱՐԱԿԱԿԱՆ
ՇԱԲԱԹԱԹԵՐԹ**
Սեփականութիւն
ԱՐԱՐԱՏ Մ Մ ՄԻՈՒԹԻՒՆ
Միսթու 33, Նիքեա, Յունաստան

Համակարգչային
շարուածքը եւ էջադրումը՝
ՆՈՐ ԱՇԽԱՐՀ շաբաթաթերթի
Տնօրէն՝
Ընկ. Սարգիս Խաչատուրեան

Արսուսաւեր -
Փաստաբան՝
ընկ. Յակոբ Ֆելճեան
«ՆՈՐ ԱՇԽԱՐՀ»
Արմենիկ Էփոմեազի
Էփոմեազի
Իտոկտիսիա «ԱՐԱՐԱՏ»
Փիլոլոգիկո Աթլետիկո Տօմաթիօ

Դիւսթոնտի
Տարկի Տատատուրիան
Էկձօտի -
Իակօբօ Փետձիան Դիկեղօրօս
Տիսթօ 33 - TK 18450 - Նիկաիա
Տիղ: 210-4926085

«ՆՈՐ ԱՇԽԱՐՀ»
Armenian Cultural Social Weekly
33 Sistou Str.
GR 18450 NIKEA GREECE
Tel-Fax: 00+30+210-4926085

Բացի խմբագրականներէն, յօդուածագիրներու տեսակէտներն ու գաղափարները անպայմանօրէն չեն արտայայտեր թերթին ուղեգրիդը:

Աւագ Սպայ Սարգիս Ստեփանեան Մէկ Ձեռքով Երեք Մետալ Նուաճած է

Աւագ սպայ, հազարապետ Սարգիս Ստեփանեան Լեհաստանի մէջ կայացած հաշմանդամութիւն ունեցողներու բազկամարտի աշխարհի գաւաթի ախոյեանութենէն վերադարձած է 2 ոսկեայ եւ մէկ արծաթէ մետալով:



Սարգիս Ստեփանեան 2014 թուականի Օգոստոսին Արցախաստորբայլճանական սահմանագիծին վրայ մարտական գործողութիւններու ժամանակ զինակից ընկերը փրկելու ընթացքին վիրաւորուած եւ կորսնցուցած է աջ ձեռքն ու ոտքերը: Մինչ այդ ան զբաղած է ծանրամարտով:

«Հաշմանդամութիւն ունեցող մարդ ըլլաւ թէ ոչ, ամենակարեւորը ցանկութիւնն է, ձգտումն է, նպատակն է, հաւատքը: Եթէ կը հաւատաս ուժերուդ, եթէ դուն նպատակալաց ես, քու առջեւ կը դնես ինչ-որ խնդիր, կը հասնիս», - «Ազատութեան» ըսած է աշխարհի ախոյեանը: Անոր խօսքով՝ յաղթանակի հասնելու համար նպաստած են ոչ միայն 2,5 տարուան դժուարին մարզումները, այլեւ միշտ իր կողքին կանգնած մարդիկ. «Յատկապէս շնորհակալ եմ իմ մարզիչին եւ իմ խորին շնորհակալութիւնը կը յայտնեմ «Հայ վիրաւոր հերոսներու հիմնադրամին»: Անոնց բարձր հովանիին ներքոյ կրցանք մասնակցիլ աշխարհի գաւաթի ախոյեանութեան եւ յաղթած վերադարձանք Հայաստան»:

Սարգիս Ստեփանեանի մարզիչին՝ Արտուրազ Լալբանդեանի խօսքով, սա բազկամարտի ամենակարեւոր ախոյեանութիւնն է, ուր հազարապետ Ստեփանեանը ոչ միայն իր կշիռի կարգին մէջ ախոյեան դարձաւ, այլ ուրիշ կարգի մէջ ալ: Իսկ բացարձակ կշիռի կարգին մէջ արծաթ նուաճեց: «Քիչ է, եթէ ըսեմ մեր նպատակին հասանք, որովհետեւ մենք գերակատարեցինք», - ըսած է մարզիչը:

Մրցակիցները ուժեղ էին, սակայն անոնցմէ ոմանք նոյնիսկ հրաժարուած են հայ մարզիկին հետ մրցելէ: «Բմաստ չէին գտներ երեւի», - ըսած է ախոյեանը:

Որդիին յաղթանակներէն յուզուած հայրը՝ դարաբաղեան պատերազմի վեթերան Վանիկ Ստեփանեանը կը զարմանայ. «Մէկ ձեռքով մարդ երեք մետալ բերէ, ատկէ այն կողմ ես ոչինչ կը տեսնեմ իսկական մարզիկի համար»: «Ե՛րբ ծնողը երջանիկ կ'ըլլայ, երբ տեսնէ, որ իր երեխան 10 քայլ, 100 քայլ իրմէ առաջ կ'անցնի», - յայտնած է հայրը:

Սարգիս Ստեփանեանի երկու որդիները եւս որոշած են շարունակել անոր գործը:



National Geographic-ը Քարահունջն ընդգրկած է աշխարհի հնագոյն աստղադիտարաններու ցուցակին մէջ

National Geographic աշխարհագրական գիտահանրամատչելի ամսագիրը Քարահունջ մեծաքարային համալիրը, որ նաեւ կ'անուանեն «Հայկական Սթոունհենջ», ընդգրկած է աշխարհի հնագոյն աստղադիտարաններու ցուցակին մէջ: «Միբիուսը եւ Օրիոնը կը փայլին խորհրդաւոր Քարահունջի լուսաւորուած քարերու վերելք: Ան բաղկացած է հարիւրաւոր ուղղահայեաց քարերէ», - գրած է պարբերականը:

Քարահունջը կամ Զօրաց Քարերը կը գտնուին Միսիան քաղաքէն ոչ հեռու՝ Որոտան գետի Դարբ վտակի ձորի ձախ ափին եւ բաղկացած են մինչեւ 10 թոն ունեցող ուղղահայեաց քարերէ, որոնք միասին կը կազմեն ընդհանուր կոթող: Համալիրին՝ 25 հեքթար մակերեսին վրայ, որոշ համակարգով դասաւորուած են եռանկիւնաձեւ քանի մը Ըստ որոշ հնագէտներու, Քարահունջը կը թուագրուի մեր թուարկութենէն առաջ երրորդ հազարամեակով, սակայն ոմանք ալ կը կարծեն,

The Week Ամսագիրը Շաբաթուան «Երազանքի Ուղեւորութիւն» Ճանչցած է Հայաստանը

Բրիտանական The Week ամսագիրը, որ ամէն շաբաթ իր ընթերցողներուն կը ներկայացնէ մէկ ուղղութիւն, այս անգամ «Երազանքի ուղեւորութիւն» ճանչցած է Հայաստանը:



«Երբ դուն Հայաստանի մէջ կը հանդիպիս հիւրընկալութեան, հազիւ թէ կարենաս զայն մոռանալ», - ըսած է BBC-ի զբօսաշրջային լրագրող Պեն Լըրուրլ:

Լեռնային երկիրը յայտնի է օտարներուն իր առատաձեռնութեամբ ու մեծահոգութեամբ դեռ «Մետաքսի ճանապարհ»էն, երբ անհամար վաճառականներ, զինուորներ ու գաղթականներ կ'անցնէին անոր գեղեցիկ բնակավայրերով:

Լըրուրլ գրած է, որ առնչուած է հայերու հիւրընկալող էութեան հետ Կովկասը «մարշուտկայով» բացայայտելու ընթացքին: Դերեղի կիրճին մէջ ԵՈՒՆԵՍԿՕ-ի ժառանգութիւն ճանչցուած վանքերը թափառելէ ետք Լըրուրլ յայտնուած է Դիլիջան՝ «գեղատեսիլ, անտառային հանգստավայրի մը մէջ, որ տեղացիներուն յայտնի է որպէս Փոքրիկ Չուիցերիա»: Լըրուրլ որոշած է կեցավայր գտնել ու մնալ Դիլիջան:

«Օգտուելով հինգսն ուղեցոյցէ մը՝ ես քաղաքի ծայրամասին մէջ գտայ հիւրանոց մը, սակայն ոչ ոք պատասխանեց իմ թակոցին ու ես փորձեցի ձայն տալ. «Բարեւ ձեզ», ըսի հայերէնով: Միջին տարիքի կին մը բացաւ դարպասները՝ հետաքրքրական հայեացքով ինծի նայելով: Երբ ես ցոյց տուի ուղեցոյցը, ան ժպտաց ու ինծի առաջնորդեց ներս: Տունը լի էր աղմուկով ու ծիծաղով: Իմ հիւրընկալը ինծի ցոյց տուաւ սենեակս, ապա ճաշասենեակը՝ հասկցնելով, որ ժամը 19-ին ըլլամ այնտեղ: Ես պարտաճանաչօրէն ներկայացայ ժամը 7-ին ու յայտնեցայ ընտանիքի աւագ դստեր 18-ամեակի տօնակատարութեան: Այնտեղ 12-ն էինք եւ միայն ես անձանօթ էի», - գրած է Լըրուրլ՝ աւելցնելով, որ երեկոն լի էր օղիի, խորովածի, պանիրի, սմբուկի, ձիթապտուղի, լաւաշի մեծ քանակութեամբ:

Լըրուրլ նշած է, որ տան տէրերը ոչ մէկ պահ իր բաժակը առանց օղիի չէին ձգեր, կենացներ կ'ըսէին բոլորին ու ամէն ինչի համար, որոնց հետեւած են երգերն ու ծննդեան կարկանդակը:

Վերջաւորութեան Լըրուրլ կը գրէ. «Ես միայն սա կ'ըսեմ. Երբ դուք Հայաստանի մէջ հիւրընկալութեան հանդիպէք, դուք չէք կրնար զայն մոռնալ»:



հսկայական քարեր, որոնց մէջ աստղադիտակի համար նախատեսուած յատուկ անցքեր բացուած են:

որ համալիրը աւելի հին է եւ հիմնուած է հինգերորդ հազարամեակին: Այդ խորհրդաւոր քարէ շինութեան վերաբերեալ ակադեմիկոս Փարիս Հերունին նախորդ դարու 90-ականներուն զգայացունց վարկած առաջ քաշած էր՝ անուանելով համալիրը այն ժամանակ յայտնաբերուած ամենահին աստղադիտարանը բոլոր յայտնաբերուածներուն մէջ:

National Geographic-ի գլխաւոր տեղին մէջ յայտնուած են նաեւ Մեքսիքայի Չաքօ Քանեռնը, փորթուկալական Քրովէլիը, յունական Մետեոքները, քէնիական Միպիլօ ազգային պարկը, իրանական Ալամուտ ամրոցը, աստրալական Ուլուրու Քատա Տիտա ազգային պարկը, Քալիֆոռնիոյ Օուէսս հովիտը, կը գրէ Ankakh.com-ը: